

سه لکی در سعادت ایچون مجیدیه
یکری غروش حسابیله التمش
غروشدر

طشیره ایچون پوسته اجرتی اوله ورق
اون بش غروش ضم اولنور

نسخه سی ۴۰ پاره در

فکر دیک محاکمات علییه

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

ممالک اجنبیه ده بولناتلرک در سعادت محاکمات جاری اصوله توفیقاً امر تحلیفک اجراسنه موافقت ایتمکده اولان خصم لرینه یمن تکلیفندن استنکاف ایتمش نظریله باقلمق و یا خود اصول مرعیه دائره سنده ایفای معامله به اجبار اولنق شقارندن هانکیسنک اتخاذ و اجراسی لازم کله چکی عینتاب تجارت محکمه سی ریاستک اشعارینه عطفاً حلب ولایتی استیناف محکمه سی مدعی عمومیلکنندن استفسار اولنسی اوزرینه انجمن عدلیه دن تنظیم واعطا قلنان مذکرده: صورت اشعاره نظراً استفسار اولنان مسئله نک محکمه مزبورده ده الیوم در دست رؤیت اولان دعاوی به تعلق منظم اولدیغه و محاکم عانده سنجه تدقیقات و محاکماتی اجرا قلنمقده اولان بوکی خصوصاتک احکام قانونیه دائره سنده قراره ربطی هیئت حاکمه نک جمله وظایفندن اولوب انجمنجه خصوصات مذکوره حقنده بیان رأی و مطالبه به مساع قانونی اولدیغه بناء دعاوی مذکوره نک نتایج حکمیه سنه تأثیر و تعلق درکار اولان شومسله نک دخی وظائف مودوعه ایجاباته و اصول و نظامنه توفیقاً محکمه محلیه جه قراره ربطی اقتضایده چکنک ریاسته تبلیغی ضمننده مذکور مدعی عمومیلکه تحریرات جوابیه نسطیری بیان واقعه قلنمشدر.

عدلیه نظامت مجیدیه سنه عدلیه منظمیه محاکم استینافیه مدعی عمومیلرینه نسطیر قلناه تحریرات عمومییه صورتیده:

تلفراف مخبراتک دولته جه پوسته ایله اشعاری مضر اوله بیلجهک ماده حصری و عباراتک ممکن مرتبه قصری تبلیغات مکرره ایجابندن اولدینی حاله شو آره لق بعض طرفلرجه تلفرافله اشعارنده مجبوریت اولمیان موادی متضمن ویک مفصل تلفرافلر کشیده اولنمقده و بصورت اجرتلی مخبرانجه تأخراتی و وارداتجه تناقصی استلزام ایتمکده

اولدیغندن و در سعادتله وسائط قلبیه سی منتظم و سریع اولان ادرنه سلانیک قوصوه آیدین انقره قونیه ولایتلری ییتنده نقل اولنان محرات یکری درت ساعتده ودها آز زمانده واصل اوله بیلجهکندن بحثله تدنی وارداتک بر درجه به قدر اوکی اله بیلیمک ایچون در سعادت ایله ولایات مذکوره و محال سازه آره سنده جریان ایده چک مخبرات رسمیه غیر مستعجله نک پوسته ایله تعاطیسی تلفراف و پوسته نظارت بهیه سنک اشعارینه عطفاً با تذکره سامیه امر و ازبار بیورلمش واشبو تحریراتک نسخ مطبوعه کافیه سی لفاً تسبیح قلنمش اولمغه کیفیتک ایجاب ایدنلره تبلیغی و مأموریت شریفه لرنبجه ده بوبابده التزام دقت اولنسی سیاقنده شقه ترقیم قلندی.

محاکمات و مقررات

قوزانه لی قصاب یورکی طومه ایله طنشاشی فوطه نک انشای راهده اوکلرینه چیقهرق جبر و شدت اجراسیله نقود موجوده لرینی اخذ و سرقت ایلدیکی ادعا اولنسنندن دولای جنایتله اتهام اولنان قبالی حسین بن خیر الدینک اوج سنه مدته کورکه قونلرینه دائر سرفیجه سنجایی بدایت محکمه سی جزا دائره سنندن اعطا قلنان ۱۶۱ نومرولی اعلام

قره کوز اوغلی شا کرک مخدومی محرمی باغلامق صورتیله اچیه سی اخذ و سرقت ایلدکلی ادعا اولنسنندن دولای جنایتله اتهام اولنان عبده بن کوچک محمد و حسین و محرم و ابراهیمک دردر سنه مدتلرله کورکه قونلرینه دائر قره سی سنجایی بدایت محکمه سی جزا دائره سنندن ایکنجی دفعه اوله ورق اعطا قلنان ۲۲۲ نومرولی اعلام

حمیه قریه سنندن رفعت بن رشیدی قتل قصدی اولقسزین ضرب ایدرک وفاته سیبیت ویردیکی ادعا اولنسنندن دولای جنایتله اتهام اولنان صغرتماج

ابراهیم بن عثمانک بش سنه مدته کورکه قونلرینه دائر مناسرت ولایتی استیناف محکمه سی جزا دائره سنندن اعطا قلنان ۲۵۵ نومرولی اعلام

ذخیره انبارندن آربه سرقت ایلدیکی ادعا اولنسنندن دولای جنایتله اتهام اولنان عبد اللهک اوج سنه مدته کورکه قونلرینه دائر طرابلس غرب ولایتی استیناف محکمه سی جزا دائره سنندن ویریلان ۲۲۰ نومرولی اعلام

مصطفائی جرح و قتل ایلدیکی ادعا اولنسنندن دولای جنایتله اتهام اولنان تیمورچی اوغلی محمدک اون بش سنه مدته کورکه قونلرینه دائر قسطنطنیه ولایتی استیناف محکمه سی جزا دائره سنندن اعطا قلنان ۴۲۲ نومرولی اعلام

راوه لی سوبش الهویدی ورفقاسنک قطع طریق صورتیله مواشیلرینی نهب و غصب ایتملرندن دولای جنایتله اتهام اولنان خلف السلحان و حسن الحلیم و خلف الجیب واحمد و عبده العبدک اوجر سنه مدتلرله کورکه قونلرینه دائر بغداد ولایتی استیناف محکمه سی جزا دائره سنندن اعطا قلنان ۷۳ نومرولی اعلام

اولونیه لی رشید بن یوسفی قتل ایلدیکی ادعا اولنسنندن دولای جنایتله اتهام اولنان ترزی بالوشک اون بش سنه مدته کورکه قونلرینه دائر اشقودره ولایتی استیناف محکمه سی جزا دائره سنندن اعطا قلنان ۹ نومرولی اعلام محکمه تمیز جزا دائره سنجه تصدیق قلنمشدر.

در سعادت جنایت محکمه سنندن اعطا قلنان اعلامدر:

اوجیوز یکری برسینه سی کانون اولنک یدنجی کونی اورته کوی ترلارلرنده معامله جبر و شدت اجراسیله جمالک اچیه سی سرقت ایلدکلی ادعا سیله مظنون علیهم بولنان و بشکطاشده اودون اسکله سنده اقامته عربجه جیلق ایدن یکری یاشنده شروائی سلیمان بن

سيف الدين وحمل مذکورده رضا پاشا خاندن بیوتله
حاملی ایدن اون طقوز باشنده شروانی عیسی بن
بابر وغازخانهده قهوه جلیک المیان اون یدی باشنده
کذلک شروانی دریا ز نام دیگر محمدن طاهرک جنایتله
اتهاملرینه دائر هیئت اتهامیه دن تنظیم قلنان مضبطه
ایله استیناف مدعی عمومیلکنک ۳۰ مارت سنه ۳۲۲
تاریخی و ۱۲۷۳ نومروی اتهامنامه سی اوراق منقر-
عسیله معاً محکمه جنایت تودیع قلنقله بالمطالعه
تفصیلاتی اولایده طویلتان ضبطنامه دن مستبان اوله جنی
اوزده اصول محاکمات جزائی قانوننک باب نایسنک
فصل رابنده محرراولان معاملات ابتدائی بعدالایضا
متمون سلیمان وعیسی ومحمدک اجرای محاکمه لری
ایچون اوچوز بکرمی ایکی سنه سی نیساننک اون
یدنجی کونی بالتعین یوم مذکورده متمون مرقومون
علی الاصول توقیفخانه دن کتوردیلرک ومتمولرک
وکیل قدوسی وبغدیق افندیلر ایله استیناف مدعی
عمومیلکی معاونلرندن عزتلو بهجت بک حاضر اولد-
قلری حالده محاکمه سالونه چیقیلرک معاون مومی
ایلیک طلی موجبجه اقامتگاهنه جلبنامه تبلیغ ایلدیکی
حالده ورود ایتیمان مدعی شخصی جلالک غیاسنده
محاکمه علیه اجراسته مباشرت ومتمولرک وکیلرینه
لازم کلان اخطارات قانونیه ایضا قلندقدن مسکرمه
هیئت اتهامیه مضطه سیله اتهامنامه ضبط کابی شفیق
افندی طرفندن قرائت اولندی .

مضبطهده مظلون علیم سلیمان وعیسی ومحمدک
معامله جیروشدت اجراسیله جلالک اچقسنی سرقت
ایتش اولملرندن طولانی اتهاملرینه اوراق تحقیقهده
محرر اخبارات کافی کورلش وحرکتلری قانون
جزائک ایکی یوز بکرمی رنجی ماده سی حکمی مستلزم
افعال جنایتدن بولش اولدیقدن جنایتله اتهاملرینه
قرار ویرلدیکی محرر واتهامنامه ده دخی مرقومونک
مضبطه مذکورده مندرجاتی وجهله اتهام ایلدیکلری
مستردر .

اتهامنامه نک خلاصه سی جانب ریاستدن متمون
مرقومونه تفهیم وتوضیح ومعاون مومی ایله طرفندن
دخی دعوانک تشریح اولنسنی معقب مرقومون
سولندیرلدیکرنده بولردن سلیمان فعل مدعاهدن
قطعیاً معلوماتی اولدیقنی بیان ولدی السوال دیگر
ایکی منهی طانیقنی ومدعی شخصی جمالی شخصاً
طانور ایسهده قولشزد ایدوکنی و مرقومونه لرلکه
قیه کیمدیکنی وکندوسی اذمیده قرار ایتوب کچن
سنه کانون اولنک بشنجی کونی اذمیده بولنان قنداشی
وچوچقلری نزدیکه کیمکه محل مذکورده دردست
ایلدیکی آیان ایلدی .

عیسی بویه شیدن اصلاً معلوماتی اولدیقنی یاد

ولدی السوال مدعی شخصی جمالی ازطانور ایدوکنی
وسلیان ایله محمدی اصلاً طانیقنی ایراد ایلدی .
دیگر متمن محمد دخی فعل مدعا به جرائی انکار
وعند السوال نه مدعی جمالی ونهده دیگر متمملری
طانیقنی تذکار ایلدی .

علی هذا ۱۵ کانون ثانی سنه ۳۲۱ و ۶ شباط
سنه ۳۲۱ تاریخی ایکی قطعه ضابطه عدلیه تقریری
ایله مدعی جلالک معاینه سی حاوی طیب راپوری
ومتهملرک اقادات استطاقیه لری قرائت ایتدیلدی
رنجی تقریرده اوچوز بکرمی برسنه سی کانون اولنک
یدنجی چهارشنبه کونی بشکطاشده علی عثمانک خاندن
اقامتله حالقی ایتدیکنی سولیان شروانی جمال بن
علی مرکز مهراجت ایدرک کورسه طانیجه جنی بر
شخصک یانه کلوب برچوال دروننده بولنان صدوقی
اورنه کوبه نقل ایستی تکلیف ایلی اوزرینه موافقته
مذکور صدوقی الهرق ایکیکی برلکهده اورنه کوبه
واصل اولدقلرنده ازدها شورایه کیده جک دیهرک
اورنه کوی قیرینه چقدقلرنده شخص مرقومک
باشنه برعبا اتوب یره دوشورمکه اوراده ده ایکی
کشی ظهور واوزرینه هجوم ایدرک بلندکی مختلف
النوع ایکی بیک سکر یوز بر غروشی اخذ وغضبه
فرارایتدکری وپواناده صاع الیک ایکنجی یارمقدن
ودیکر ایکی محلندن جریجه دار اولدیقنی ادعا سنده
بولنندن دورودراز اجرا قلنان تحقیقات ومخابرات

نتیجه سنده متجاسرلرینک مدعی مرقومک همشهر-
یلردن سلیمان وعیسی ومحمد نام اشخاص اولدقلری
واذمیده بولندقلری اکلاشلدیقدن مرقومونک
دردسته اعزاملری ضمننده بشکطاش ضابطه سنندن
اذمیدمتصرفلغه یازیلان تذکره جواباً مرقوموندن
عیسی ایله محمدک بروسه ویاکلیک طرفلرینه فرارایتش
اولدقلری بیلدرلش والکزر سلیمان کوندلش اولغله
مدعی جلاله ارانه اولندقدن غاصبردن برسنک مرقوم
سلیمان اولدیقنی تعین ایلدیکی وسلیانک وقوعولان
استجوابنده برکون عیسی کندوسیه محمدی جاعروب
جلالده چوق یاده بولندقدن بشکله مرقومه محمد
خطاباً جمال بزی طانورسن بریوای صندوقی الوب
برچواله قوی بوک دیهرک جلاله ویر بزاوکه سزده
ارقدن کلکزدوب واقع اولان تکلیفی بالقبول مرقوم
محمدده اولوجهله جمال ایله برلکهده اورنه کوی قیرینه
کیتدکرنده مرقوم عیسانک جلالک باشنه برعبا الهرق
یره دوشورمکه هر اوجی اوزرینه بالهجوم یاده لرلی
عیسی الدقدن مسکرمه فرار ایتدکرنی وبشکطاشه
کلدکرنده کندوسیه ایکی عدد عثمانی لیرای ویردیکنی
ومحمد قاج غروش ویردیکندن وبارمک مقدار

دیه جکری سوال وسائر کونه استیضاح احوال

اصلیسنندن معلوماتی اولدیقنی وبالاخره کندوسی
اذمیده کیدوب اوچ کون مسکرمه عیسی ایله محمد دخی
ککش ایسهلرده بنه غالب اولدقلری اعتراف ایتدیکی
وبونک اوزرینه مرقومان عیسی ومحمدک دخی
دردستلری لزومی ضابطه مشارالها جانبندن خداوندکار
ولایتنه اشعار قلندینی ازباروایکنجی تقریرده مرقومان
عیسی ومحمد ازمیرده دردست اولنلهرق کوندلش
اولغله اجرا قلنان استجوابلرنده فعل غصی مأمورین
مواجهه سننده اقرار ایلدیکلری اشعار قلنمش وراپورده
دخی جلالک صاع الیک خنصر یارمنی رنجی سلامیسی
خلفنده برآلت قاطعه ایله حصوله ککش والتیام ایتش
ایکی ساقیمتر طولنده برعددرجه ندیه سی کوردیکی
وبومثلو جرحلر اون کونده یوزغروش اجرت جراحیه
ایله التیام ایدرمودادن بولندینی مندرج بولش و مرقوم-
موندن سلیمانک استطاقنامه سننده اذمیده بولنان فالما یسانک
خسته لکنی استخبار ایتدیکندن نزدیکه کیتدیکنی
وبرکون کندوسی محل مذکورده دردست ایتلرله
عیسی ومحمدی مسوردقلرنده مرقوماتی طانیقنی
وبوراده ایدیلر فقط شمعی یوقدر جوابی ویردیکنی
وضابطهده ضرب ایتدکری جهته کیفیتی اقرار
ایلدیکی وکندوسی دشمنی بولنان حسن جواش نام
شخصک تزویراتیه جلالک ارانه ایتش اوله جتنی
و کندوسنک مرقوم جلالک یاره سی چالیدیقنی بیان
وعیسانک افاده استطاقیه سننده قیشک حلولی مناسبتله
استانولده چوق حالقی بولندقدن حالقی کبی برایش
بولق ایچون کچن رمضان شریفک اون دردنده
کیش اولدینی ازمیرده دردست ایلدیکنی وازمیره
یالکزر اولهرق کیدوب یاره سی بولندینی جهته
مرور تذکره سی استحصال ایتدیکنی واسکداره
چیهرق بروسه طریقه ماشیا کیتدیکنی وانشی
طریقهده کویلیلر تزدنده امرا رقت وتأمین معیشت
ایلدیکی وکندوسی نه مدعی جمالی ونهده سلیمان
ومحمدی طانیقنی وفعل سرقتدن قطعاً معلوماتی
اولدیقنی ونحو ضابطهده ضرب ایلدیکی جهتهله
قورقوسندن اعترافده بولندیقنی آیان ومحمدک افاده
استطاقیه سننده دخی اوسته سی قاسمک طوندینی
قهوه خانیه صاندیقندن کندوسی آچقده قالغله
ازمیرده بولنان عموجه سی قولتقی طاهر واسطه سیله
ایش بولق ایچون کچن رمضان شریفک اون یدنجی
کونی ازمیره کیمک اوزره درسعادتن حرکت
ایتدیکنی و دیگر متمملری طانیقنی وسرقی قبول
ایته جکی وضابطهده ضرب ایلدیکنندن اقرار
ایلدیکی درمیان ایتش اولدقلری اکلاشلمشدر .

قرائت اولنان اوراق مندرجاته قارشو نه
دیه جکری سوال وسائر کونه استیضاح احوال

اولندقدن بولردن متمن سلیمان سنه سابقه کانون اولنک
بشنجی کونی اذمیده کیتدیکنی بیان وعیسی ازمیره
رمضان شریفک اون دردنجی ومحمد دخی یرامک
بشنجی کونی کیتدکرنی آیان و اوچکنده عین
ژمانده کیتلرینک تصادفدن عبارت اولدیقنی وفعل
سرقی اقرار ایتلری ضابطهده ضرب وتضییق
ایلدلرندن نشأت ایلدیکنی فقط ضربی اثباتدن
عاجز اولدقلری درمیان ایلدیلر .

مدعی عمومیلک مقامندن معنی شهود بوضله سننده
اسی محرر اولوب دعوت واقعه سی اسباعاً ورود
ایتدیکی خبر ویریلان وبشکطاش ضابطه علیه سننده
مستخدوم و ۲۸ نومروده مقیدومرقم اولدیقنی سولیان
اوتوز ایکی باشنده آستانه لی طنائش افندی ولد یانی
حضور محکمه یه چقاریلهرق لیدی السوال طرفینه
پر کونه قربات ومناسبت وخصوصی اولدیقنی
اکلاشلقدن واصلی وجهله تحلیفی اجرا قلندقدن
مسکرمه مواجهه استماع اولندقدن برکون مرکزک
قلم اوطنه سننده اوطورمقدن ایکن کتورلش اولان
متمولرین عیسی ومحمدک وقوعولان استجوابلرنده
جلالک یاره سی اولدیقنی بیلدکرندن یاره سی سرقت
ایتمک فکرله وبر یوا صدوقی دیسیه سی وسلیانک
معاضاتیه مرقوم جمالی اورنه کویده یوردام قیرینه
کتوردکرنده باشنه برعبا الهرق جبری سورنده
جزوداتی الدقلری وبالاخره ازمیره فرارایتدکرنی
ومرقوماندن عیسانک کندوسیه یالکزر ایکی لیرا
ویردیکنی طوعاً اقرار ایتدکرنی افاده استطاقیه سنه
موافق سورنده اخبار وحقلرنده شهادت ایلدیکی
اشخاص حضور محکمه ده کی متمن عیسی ومحمد
اولدقلری و مرقومانک کسنه طرفندن ضرب
ایلدیکرنی علاوه کتار ایلدی .

(مابعدی کله جک نسخه)

بنایوطه قادینه صارقندیلر ایدن محمدک برآی
حبسنه

رجبک کاظمه اطاله لسان ایلدیکی اصولاً ثابت
اولدیقدن اوچ کون حبسنه
سلیمانک صائلی ضرب و جرح ایلدیکی ثابت
اولدیقدن برهفته حبسنه

یکدیگرلی جرح ایدن سید ایله استه رک بر
هفته حبسلرینه

زوجیه سی حنیفه تشهر سلاح ایدن محرمک
اون کون حبسنه

پولیس مأموری حسین افندی اجرای وظیفه
حالنده ضرب و جرح ایلدیکی ثابت اولان حسن بکک
القی آی حبسنه

لطیف ایله رجبک قسطی ضرب ایتدکری
ثابت اولدیقدن بر لیرا الهرق مضروب اعطاسنه
بنایوطک یورکلی ضرب و جرح ایلدیکی ثابت
اولدیقدن اون بش کون حبسنه ویرلیرا الهرق
مخروج مرقومه اعطاسنه

بنایوطی ضرب و جرح ایدن بدرینک برهفته
حبسنه

ترزی یانده لی ضرب ایدن بک اوغلنده ساکن
پروراک آره نام شخصدن ایکی لیرا الهرق مضروب
اعطاسنه

اجرای مأموریت حالنده قوچی یوسفی ضرب
ایدن فائق افندیکن اون بش کون حبسنه
سلیبی ضرب ایدن طوبخانهده ساکن مناو علی
بابدن برلیرا الهرق سلیمه اعطاسنه

استه ری ضرب ایلدیکی ثابت اولان هرشدن ایکی
التون الهرق مضروب اعطاسنه

آرابه سی شوکتی ضرب ایدن آرابه سی احمدک
اون بش کون حبسنه

ایرانی محمدک تنبیهه مخالف حرکت ایلدیکی ثابت
اولدیقدن بش بشکک جزای نقدی آلتسنه

قوچونی جرح ایدن حسینک برآی و قوچویه
تشهر سلاح ایدن فوطینکده اون بش کون مدتلرله
حبسلرینه

لازاری ضرب و جرح ایدن خبره سی یقوشنده
ساکن علسکادن ایکی لیرا الهرق مضروب اعطاسنه
مورده هانی ضرب ایلدیکی ثابت اولان خاصکوبده
ساکن فسجی آرمادن برلیرا الهرق مضروب اعطاسنه
ماری وسائرله اطاله لسان ایدن آینه لی قواقدن
ساکنه سلتانده برلیرا جزای نقدی اخذیه

النئی جرح ایلدیکی ثابت اولان بربر محمدک بر
آی حبسنه

النئی اچقسنی سرقت ایدن قوچی یانینک اوچ
ماه حبسنه

عمرلطفی افندیکن اچقسنی دولاندیردینی ثابت
اولان حاجی عثمانک ایکی سنه مدله حبسنه

صارینه یی قانجه ایله ضرب ایلدیکی اصولاً ثابت
اولان رضانک بکرمی کون حبسنه

آورام ایله یاقونک یاسنی ضرب و جرح ایتدکری
اصولاً ثابت اولدیقدن بر هفت حبسلرینه

زاهاری ایله بنایوطک ادریکی ضرب و جرح
ایتدکری اصولاً ثابت اولدیقدن بر هفت حبسلرینه
درسعادت بک اوغلی واسکدار بدایت محکمه لری
جزا دائره لرجه قرار ویرلشدر .

مجازات

توقاد سنجائی بدایت محکمه سی جزا دائره سنجه
اجرا قلنان برحاکه آتاسنده محکمه مذکورده رئیس
سابق فائق وتحقیقات استنطاقیه سره سننده مستنطق
سابق کاشف افندیلرک رشوت اخذ ایتدکری
میدانه چقارلق صورتیه جریان ایدن معاملات
واخیراً اجرا قلنان تحقیقات نتیجه سننده مومی الیها
فائق وکاشف افندیلر محاکمه آلتنه آلتی اوزره
مستخدوم بولندقلری مأموریتلردن عزل وتبدیل
ایلدیکله برابر مساعی مشهوده سنه بناءً اخیراً
ارضروم مرکز مدعی عمومی معاونلکنه ترفع
مأموریتی اجرا بیوریلان عزتلو توفیق افندی
یده عدلیه نظارت جلیله سنندن بر قطعه تحسیننامه
تسطیر قلنمشدر .

اعلانات

انجمن اداره عدلیه

عدلیه نظارت جلیله سی داخلی ومباشر خدمه سیله
اوطه جیلری ایچون موجود نمونه وشرايط معلومه
وجهله اعمال ایتدیریلرک اولان ایکیزو طقسان
یدی طاقم البسنه سنه خاله ایلونک بکرمی یدنجی
چهارشنبه کونی منافعه سنه ایتدار اولنوب تشهر اولک
دردنجی چهارشنبه کونی قرار موقی واون رنجی
چهارشنبه کونی دخی یوزده اوچدن بشه قدر تنزیلات
قبولیه قرار قلعیمی اعطا قلنجهندن اشبو البسه یی
اعماله طالب اولان وشرايطی اکلامق ایستقلرک
مدت مذکورده طرفنده جمعه وپازاردن ماعدا هرکون
ساعت التیدن اونه قدر دیپوزتو اچیلرله برابر
انجمن اداره عدلیه ومحاسبیه مهراجت ایللری
اعلان اولنور .

— ۱۲۵ —

نجات بحره محکمه سنه :

استانولده بیوک بیکی خاندن مقیم یوسکولچی
آرشاق میسانلیانک ۱۲ نیشان سنه ۳۲۲ تاریخندن
اعتباراً اعلان افلاسنه ومصال افلاسنه نک رؤیت
ونسویه سی ضمننده اعضای محکمه دن عزتلو مارقار
افندیکن ژوزقومیسر ودعوی وکیل اغوب بحری
افندیکن موقت سندیک تمینلرینه ومغازه سیله اشیا یی
زائده بیتسینک تمهیرینه واوراق ودقارینک جلینه
وکفالت ارانه ایده مزایسه حبس وتوقیفه ووبابده کی
قرارک موقه اجراسته تجارت بحره محکمه سنجه
قرار ویرلش اولدیقدن قانوننامه تجارتک ۱۷۰ ننجی

ماده سی موجبنجه دائمی سندیکر انتخاب اولنق اوزره
[۵ تشرین اول سنه ۳۲۲] پنجشنبه کونی ساعت
یدی راده لرنده اصحاب مطلوبک محکمه مذکورہ نک
مصالح افلاسیه رؤیتنه مخصوص اوطه سنه کلری
اعلان اولنور .

محمد پاشاده مناسر خانده ساکن ایکن تجارت
بحریه محکمه سندن افلاسنه حکم اولنش اولان
قوندره جی ملتیدای لوغه ذمتده اله جفی اثبات
ویاموقتاً قبول وقید ابترمش اولان اله جفلورک
قانوننامه تجارتک ۲۱۱ نجی و آئی ولی ایدن ماده سی
موجبنجه مفلس طرفندن تکلیف اولنه جق
قونقورداتونک مذاکره سی ایچون اشبو ایلولک
یکرمی سکرنجی پنجشنبه کونی محکمه مذکورہ نک مصالح
افلاسیه رؤیتنه مخصوص اوطه سنه کلری اعلان
اولنور .

کوریمجه بدایت محکمه سی تجارت قسمده :

کوریمجه لی رقائل خرستو آوامک نفسندن
بالاصاله ویدری خرستودن بالوکاله کوریمجه نک یکی
مجلسندن اندون یوان علیهنده کوریمجه بدایت محکمه سی
تجارت قسمده اقامه ابتدکی دعوی اوزرینه غیاباً
اجرا قلنان محاکمه سنده مبلغ مدعا به اون طقوز عدد
لیرای عثمانی ایله اون یدی بقی غروشک مع گذشته
ومصارف محاکمه کفالتنه بناء مرقوم اندونندن بالتحصیل
مزبور رقائل اعطاسنه ۱۹ مایس سنه ۳۰۸ تاریخنده
حکم وقرار ویریلوب اولباده تنظیم اولنان ۱۷ تموز
سنه ۳۲۲ تاریخلو ویکرمی نومرولو اعلامک تبلیغه
تثبت اولنش ایسه ده مدعی علیه مرقوم کوریمجه ده
بولندینی کی اقامتکاهنده دخی کسمه سی اولمدینی
جهتله حالاً اقامتکاهی معلوم اولماسنه بناء مدعی
علیک طلیله اصول محاکمه حقوقیه قانوننک یوز قرق
طقوزنجی ماده سنه توفیقاً اعلام مذکورک برقطعه
صورتی مجلسی مختارینه تسلیم قلندینی کی برصورتی ده
محکمه دیوانخانه سنه تعلیق اولندینی اعلان اولنور .

اعهومات شرعیه اجرا دائره سنده :

متوفی محمدشکری افندی ورنه سنک امینه بحریه
خانک کفیلی درسمعات سندات قید شعبه سی
کتبه سندن احسان افندی ذمتده بااعلام شرعی
اله جفی اولان مبالغ معلومه نک تأمین استیفاسی
ضمننده کفیل مومی الیک عهده سنده اولوب محجوز
واعلام نظامی ایله فروختی محکوم بولنان اسکدارده
آشچی باشی محله سنده نوح قیوسی جاده سنده واقع

برواچ نومرولر ایله مرقم ایکی باب خانه ایله مکرر
اوج ویش ویدی نومرولر ایله مرقم اوج باب دکاندن
هر برینک نصف حصه لرینک اشبو تاریخ اعلاندن
اعتباراً اون بش کون صکره بالمزایده فروخته تثبت
اولنه جفسندن طالب اولوب پی سورمک و بوندن
زیاده معلومات المی ایستینلرک مدت مذکورہ ختامندن
صکره درسمعات اعلامات شرعیه اجرا دائره سنه
مراجعت ایللری اعلان اولنور .

محکمه تجارت اجرا دائره سنده :

واسیل اندریادینک یورکی ولد دیمتری مزبکی
ذمتده ایکنجی محکمه تجارت اعلامیه محکوم به اولان
الاجفک تسویه سیچون مدیون مرقومک سرکه جی
اسکله سی جوارنده عزیزیه جاده سنده درت یول اغرنده
کائن مغازه سی دروننده محجوز وموجود بولنان
یدی عدد فطوغراف ماکنه سی اشبو کله جک تشرین
اول رومینک ایکنجی بازار ایرتسی کونی ساعت
بشدن یدی به قدر بالمزایده صاتیله جفسندن اشتراسنه
طالب اولانلرک ودها زیاده معلومات المی ایستینلرک
یوم ووقت مزبورده مذکور مغازه ده مأموری
مواجهه سنده حاضر بولنلری محکمه تجارت اجرا
دائرة سندن اعلان اولنور .

مالیه خزینة جلیله سنک آوستریا ومجارستان دولتی

تبعه سندن آپامینونداس ترکه سیله موسیو تئودور
بالطه جی ذمتلرنده الاجفی اولان برملیون سکرن یوز
التمش الی بیک سکرن یوز سکسان طقوز غروشک
مع قاضی ومصارف محاکمه واجرت وکالت بروجه
مناصفه مدیونلردن بالتحصیل خزینة مشارالیه
اعطاسی وحین تأدیه سنه دکن رأس المالی تجاوز
ایتمک شرطیه گذشته یوریدلمسی حقنده قابل اعتراض
اولق اوزره برنجی محکمه تجارتدن ویرلمش اولان
۲۱ شباط سنه ۳۰۹ تاریخلی وسکسان درت نومرولی
اعلام غیابی صورتی یالکز مدیونلردن موسیو تئودور
بالطه جی به تبلیغ اولنه رق مدیون دیگر آپامینونداس
ورنه سنک محل اقامتی بیلنه مدیکی جهتله اعلاناً تبلیغی
خزینة مشارالیه وکیلی طرفندن استدعا قلنمش
واولباده دولت مشارالیه قونسولاتوسنه سبق ایدن
اشعاره النان جوابده متوفای مرقوم آپامینونداسک
درسمعاتنده وفات ایتمدیک بیسانیه ورنه سی حقنده
برکونه معلومات ویرلماش اولدیغندن اصول محاکمه
حقوقیه قانوننک یکرمی التجی ماده سنه توفیقاً ورنه
مرقومیه تبلیغ ایدلمش عد اولنق اوزره اعلام
مذکورک صورت مصدقه سی محکمه تجارت اجرا

دائرة سی دیوانخانه سنه تعلیق قلنمش اولمقله غرنه لرله
دخی اعلاننه مبادرت قلندی .

درسمعات اعهومات نظامیه اجرا دائره سنده :

محمد افندی نک مصطفی اغا ذمتده الاجفی اولان
مبالغ معلومه نک تأمین استیفاسیچون مرهون وفروختی
محکوم بولنان اقسرایده یوسف پاشاده مراد پاشا
مجلسنده طوبقو جاده سنده کائن قرق الی نومرولو
تخمیناً قرق بش آرشون عرصه اوزرینه مبنی کارکی
فوقنده براوطه پی محتوی شهری اوج لیرا کیرالو
برباب شکر جی واتصالنده قرق سکرن نومرولو تخمیناً
قرق آرشون عرصه اوزرینه مبنی کارکی فوقنده
براطه ومشمولات سائرہ پی حاوی برباب حلواجی
دکانلری تمامک تاریخ اعلاندن اعتباراً اون بش کون
صکره مزایده سنه تثبت اولنه جفی درسمعات اعلامات
نظامیه اجرا دائره سندن اعلان اولنور .

درویش محمد اغانک بااعلام نظامی خلیل اغا
ذمتده محکوم به اله جفک تأمین تسویه سیچون مدیون
مومی الیک عهده تصرفنده اولوب حیز آلتنه التمش
اولان قرتال قضاسنه تابع شیخی قریه سنده تخمیناً
یوزاون آرشون عرصه اوزرینه مبنی برقاندن عبارت
ایکی اوطه برصوفه وبرمطبخ وتخمیناً اوجیوز آرشون
بانچہ پی حاوی برباب ملک خانه ایله قیالقی نام محله
بردوئم مقداری ترلانک تاریخ اعلاندن اعتباراً اون
بش کون صکره بالمزایده فروخته تثبت اولنه جفی
درسمعات اعلامات نظامیه اجرا دائره سندن اعلان
اولنور .

قرتال قضاسی بدایت محکمه سی اجرا دائره سنده :

سعبید افندی ورنه سی خدیجه وفاطمه خانمک
قرتال قصبه سی اها لیسندن متوفی قاسم پاشالی اسماعیل
اغای ذمتده مطلوباتی اولان مبالغ معلومه نک تأمین
استیفاسیچون بیع بالاستغلال صورتیه دین
مومی الیک عهده تصرفنده اولوب وقوع وفاتیله
ورنه سنه انتقالی لازم کلان قرتال قصبه سنده خیرات
قیونام محله کائن مع کروم باغلرینک داینلرک طلبی
واجرا قراری ایله حیز التمه التمش اولدیغندن مع کروم
مذکور باغ برینک تاریخ اعلاندن اعتباراً اون بش
کون صکره بالمزایده فروخت اولنه جفی قرتال قضاسی
بدایت محکمه سی اجرا دائره سندن اعلان اولنور .